



Tuhi ahun pet ahi.

(Luka 24:29)

Chanchinpha Luka zik 24:29 i sim ahi chun, “Ni atam zaw achia ta, ni le tum ding ahi tai”. Tichun, ka kiang ua um mai tan, tin Peter te loichan chun Jesu Khrista chu um dingin ala thou tau ahi. Zia hunlai hin, nungzui te hin lungdawng leh lungngai taka hinkhua aman laitak ua Jesu Khrista melchuam pu’a Peter te kian-ga a kilakna chanchin apat lakdaw ahi. Zia thu ahin tuni eimau dinmun tawh kituak a i holim ding uh ahi.

1. Ni atamzaw a chia tai:

Mihing hinkhua chiadan leh umdan hi i et ahi chun, hun leh phat te hi a kikhe mama ziang ta’n. Thuthunglui hun leh tukhang ah hinkhua matdan le a kikhiat-na lianpi a um ta ahi. David chun zia gual hin ala gen ah, “Lalpa, ka damsung hinkhua mat ding dan ei hil in”, ala ti ahi (Psalm 39:4-7). Job leh Solomon ngei inle mihing hinkhua umdante hi giltakin ala sui ngei chu hintin uh, ala lungkhampi ngei uh ahi. Mihingte gitlona asan takluat ziakin, Pathian in mihingte hinkhua asuk-tawm ahi ti Bible in eila hilzo ta ahi.

Noah hunlai a chun mihingte kum chu 900 val tiang ala dam sek ui. Zia zaw chun mihingte hinkhua chu kum 300-400 kikal ahung hikit ta, Mosi hun apat chun mihing hinkhua dam-

sung kha kum 70-80 vel ahung hi kit ta ahi. Mihingte hi eima dawidan leh nawpdan chiat in i hung khawsa kit tau a, gitlona chuamchuam leh khamthei thil chi chuamchuamte mangchan tukhang ahin i um kit tau hi. Zia-ziakchun, khamtheina, gal, natna leh khawvel tuasiat theina thil chi chuam in thina chang/tuak in nisin in khangthak hinkhua kum 20-40 kikal asang-asawm ah sim in thina a tuak sek hi. A tamzawte chu Pathian a hiatlo ziaak ua, thina tuak ahui ti leh hin ki genkhial lo ding ahi.

2. 2. Nitum ding ahi tai:

Peter te lawichân in Jesu Khrista kha kua ahi ahiaatlo vang un, amaute gel tawh umkhawm dingin ala chial ui. A ziaak chu nisa a et ua leh tum ding kuan ahi tak ziakin, thuthunglui hunlai apat khan hiat manlo kal in

khat leh khat kisawisakna, kisuk lunggim, ki engbawlna leh mih-ing khat leh khat adingin zanthim nuai ah khawsa gual bep ala hi kha sek hi. Jerusalem khawpi sung ah umte chun a phat hawilai niteu lam diklo taka amat zing ziak un, a chung ua Pathian lungnatna leh vaihawmna hungtung ding Jawlnei Jeremia in ala gen masa ahi “Bulak hun a kichai ta’n, nipi hun abei tai; ei uh la hukdam i la hita puau hi (Jeremia 8:20). Ziakachun, Jawlnei te nungzuilo in, suang in ala sep ua, ala sugenthe i zaw uh ahi. Alung heilo ziakun Jesu Khrista’n le ala lunggimpi mama ziang ahi. “Aw Jerusalem.....Aw Jerusalem, Akpi’n a note atha nuai ah a Opkhum sek gual in bang zat vei ahi tam, kenle opkhum ding ka guat...?”(Mat.23:37-39). Jerusalem khawpi lopina leh hawina zosia pum ah a sukmanghai ah a um ding thu gen piak in thasia takin a nusia tai.

Thukhakna:

“Sun ahi petcha hin ei sawlpa na ka sep ding ahi. Zan hi ding ei tai, zia phat chuleh kuaman na semthei ta puana’u”(Johan 9:4). Tuhin, gilo in mani dawi gual gual ah khawsa hileu hinle Pathian in ei umpi zia kin, eimau

dinga sun gual ah um thei nalai ihu. Inchen, sum leh pai, nek leh chak, mani dawi gual ah bailam takin i um thei hun sung uh chu ahi. Himaleh, hun leh phat te hi hiat manlo kalin hung bei tan tin, zan thim chu hungtung phut ziang ding ahi. Mihingte kiginlo kal in sun hun chu hung bei tan tin ko kit nuam in kisikin kap leuhin le mu diak talo ding ihu. Ziakiachun eimau le phat leh nikhua te hi a um ngai ah um zing ziang ding guala gel lo a, lungmuang tak ah um phat ahi ta puai. Ni a tamzaw chia ahi tai, ki gel thak kit in, ki ngaitua pha hitiu.

Tuni hin, taksa bukim in idu du i nethei a, hinkhua nuam tak a mang thei nalai ihi. Himaleh, i hiatmanlo kal un, sun leh zan leh hekhen theilo khawpa, Doctor mun hem..! imun ah lupna chung hem! ah izun-i ek kithaktheilo a- athi le ki hinga-lo a hinkhua hung mang dingle tampi ki um zo ahi tai. Ziakiachun, Suapite tuni hin avagei man ei uh le kigel thak kit hitiu. Pathian in ei ko lai hin limsak lo in um puai tiu. Lalpa’n tuni chan ah hun hawi eipiak naklai zia kin ama’n bawkkhup in a angung bel tai tiu. Ni atam zaw a chiata nitum ding kuan cha ahi tai.

I CHENNA GAMMANG LEH

KIM - LE - KIANGTE KEPBITNA

DINGA KHRISTIANTE MAWPUAKNA

~Rev. Dr. Hangpi Marlun

1). Thupatna:

Awle, simtu dawitakte zia thu hi Khristiante mawpuakna l ngailo uh le ahimaithei a, ahinla hawitak a l et vengveng leh l kim leh kiangte etkawl hawi leh venbit chu l mawpuakna a hidan Chiang takin l muthei ui. Chuleh, tulai hun hi khawlum hun ahiziakin pawimaw diak abang hi. Genesis 2-ah, Pathian in leichung asiam lai in, a enkawl ding leh kemit ding in mihingte mawpuakna apiai ti i mu'u. Chun, mihingte'n i kul-leh-pawimaw dungjui ua i matthei ding un le Pathian in thu apia ahi. Ahin tulai in enkawl na lam a imawpuakna'u semlo in, mat thanghuaina leh suksiatna lam l habawltau a, zia chun, l chenna kim-leh kiangte leh leichung hi chenna taklo l suaksaktau ahi. Ziakiachun, gammang a um thing-leh-gua etkawl ding dante hi tulai a i gam Government in le a ngaikhawk pen ahita, ei un le l kithuapi chiat ding uh

ahin, Pathian thu leh Bible tawh le a kituaka, thu pawimaw tak le ahi.

Thing leh gua kepbitlona ziakin, l chenna leichung hi kumsin in a sa deu deu a, (Climate change), pan ilaklo ua chun tunung le chen theina mun jiang le a hung hilo khak ding alau um hi. Pathian thugen khatin, "Mihingte'n chen theina ding mun khat maimai l nei un, zia chu l chenna leichung (Earth) ahia, hawitaka l kepbitlo ua ahileh tunung le chen theilona mun suaksak kha ding l hui. Mihingte chentheina ding mun dang a um puai" atia, a gendik mama hi.

2). Bible in thing-leh-suangte leh ganhingte etkawl ding dan ei zilsak dante:

Awle, thing leh suangte, sa-leh-ngate leh ganhing zosia le Pathian lopina puang zaktute ahiu hiatmillo ding ahi. Pathian lopina leh hinata chu ei mihingte mai hi apuang zak

ding kihilo in, thil githeiten le a puanzak ding uh chu siamtu dawu dan leh tup ahi. Ahileh, a puangzaktu dingte susetu ahiu chu siamtu lunggel dan ahina diam le? Sam ziktu chun, “Vante khin Pathian lopi zia a puang ua, vanlai zawl liantak khin a thilsiamte a sulang hi” ati ahi (19:1). Chuleh Rom lekthawt in, “Pathian chu a thilsiamte ah a kipuung ahi” ti ei hil ahi (1:19-20). Mi khenkhatte vang chu thilsiamte zia kin Pathian a gingchakna nei in a piangthak pha hial uh ahi. Ziabanah, I Labu ah chun, “Thilsiam zosian le Lalpa a pak ui” tite bang isa sek uh ahi. Zia beplo ah chun, “Thilsiam zosian le ei gingtute gual in Pathian chate suklatna ni ding chu a ngakla ma ma ui” ati ahi (Rom 8:19). Lalpa Jesu’n, “Mihingte’n chanchinpha a kikopi lo ua chun suangc-hang bek kiko ding ahi” ati ahi. Chun, Israelte’n Jubilee amat phat ua le gam leh gua tiang chaldamna a piau ahi.

3). **Gammang genchetna:**

Gammang kiti hi English ah chun ‘forest’ ahia, a umzia chu gam leh thing-leh-guate genna ahi. Chun, forest

iti phat le chini’n I khenthei kit ahi. Ziate chu: i). Pathian in apiansak/siam (Natural forest), leh ii). Mihing bawlkawm (Man-made forest) a hikitt hi. Etsakna ding in thing-leh-gua I phute haw genna ahi.

4). **Gammang (thing leh su-angte) kepbit akulna zia kte:**

4.i). *Mihingte leh gam mangte’n kijawpna lianpi muthei leh mutheilo in anei u’i.*

A chung ah gammang phatchuamna chinite jia kin gammang kepbit lotheilo ahidan I muthei ui. Ajiak chu, gammang umlo leh mihingte le ki-um theilo ding ahi. Sapten, “Mihing chu a pian lim apat in a thitiang a chun thing leh gua tawh a kitimat zing hi” atiu ahi. Zia hi ei thingtang mite a ding in a dik diak hi. Aziak chu nausen a pian lim in thing ah kibawl lupna/luai in sial/ lup-sak in a um a, a damsung in zan sin in lupna chung in a lum a, a thi phat in thing ah kibawl thingkuan in sial in a um kit hi. Ziabanah chun, a hausa hihen-la a pilpen hitaleh a thiphath ua le kivuina ding in gam a paw-imaw ui. Zia hin thing leh gua leh I chenna gam tawh I kiza-

wp dan uh a sulang ma ma hi.

4.ii). I gam leh lei hi ei chawptu leh vaktu ahlu.

I gam leh lelte hi I 'NU' uh ahi tilen genkhial puai tiu. A ziak chu 'NU' chun a chate a vak gual in I gam ua kipat in nek leh chak imu'u a, a ga-te ne'n I kivak uh ahi. Adam kha Pathian in Eden huan ah thing tin ga ne kivak dingin ala kawi ahi.

4.iii). Nidang lai vangin ipi-leh puten hun-leh-kumte simna'n gam ala mang ui.

Achateu kum asutding phat ua le khutjung thiak in, zia mun Lo I bawl kum ua khan a pianga ti'n a kum zat ding a sutdawk sek uh ahi. Gam-leh-lelte chu i hun leh nite hisapnau leh hiattheina Calendar leh Dak(watch) le ahimai hi.

5). Muthei a gammang phat-tuomnate.

Gammang phatch-uamna chinite; muthei leh khawikhak thei leh khawi khak theilo akiti ahi. Ziate chu gen-dan chuam in indirect benefits le akiti ahi. Chun muthei gammang phatchuamnate thupi pani in anuai ah gual hin vak gen hitiu.

5.i). Gammang in climate leh guazu dingte a thunun (control) hi.

Zia control kiti hi thunun le a tithei hi. Climate in a huapte chu gua zu dingte, nisa leh lum-le-vawt leh huinung dante ahi. Bangti dan a gammang in gua zu ding control ahi em itile gammang umna chung ah sôm akai nuam deu a, zi sôm ah kipat chun gua a hung zu ahi. India gamsung ah "Thar" kiti a um a, zia gam chu nidang lai in thing-leh-gua adim in akek ahi. Himaleh, mihingten zia thing-leh-guate chu a sukbei tak ziak un, gua a zu tawmta, a tawp in thalek gam(desert) a suakta mai ahi. I gam ah le nidanglai a thing-leh-guate tamlai in, tu sâng ahin gua zu tam a, tun-vang a zu tawm hiaihiai ban ah, lum-leh-vawt le nasatakin a kitheng tai.

Masanglai in, Ex- MP Pu Chiramani'n "Tunung kum sawmnga (50) zaw le Manipur ah thalek liantak um ding ahi" ati ahi. Zia hi a dik mama ahi. Zia gual ahi i chiatojel uh chun tunung le i gam uh hi Thalek(-desert) gam hung suak ding ahi. Masang deu a MLA result

puandaw ni'n, Pu T.N Haokip, Saikot, MLA pu'n, oath tak- ing alak lai a, athugen khat kalung khawi leh dik ka sak ma ma a um hi. "I gam ah chi-leh- nam kidona um talo ding, ahin tui taksapna (Tuigal)-dokhawm ding i hui" ati ahi. Aman, agen jelna ah unau Naga lamten, agam ua tuite chu akhua kim/ kiangteu mawk piak ut talo uhiu, ati dik kasa mama ahi. Zia lamkai-panite thugen leh vision akipat hin, tu-leh-tu leh tunung le igam/ileite ahung umto ding dan leh pan lak akul takzet dan ei mudaw sak leh ngaitua sak hi.

5. ii) Gammang in khawlum leh khawvawt a control hi.

Etsakna dingin, Nisat laitak in thing nuailim avawt mama mai a, thingnate akipat in huithiang mukhamlo ahung pawt a, zia chun nisa satna asukiam zing hi. In kiangah thingkung phun kimvel len khawlum hi kiam deu intin, nisat lai in le i innteu vawt ding ahi. Pu. D. Jayakumar, Minister for Fisheries, Personal and Administrative Reforms, in dated 28-6-2019, a wat- tapps ah a thawt/gendan in, "Tunung kum sawm (10)-za tak

le i chenna leichung hi tusangin a leli (4)-in, hung sazaw ding ahi. Himalaya tang a vuaktang le tui mangthai ding in a um- tau. I bawn ua, lum-le-vawt hi i dokhawm ding uh ahi. I dona ding un thingno atamthei pen i phu dinguh ahin, tui le mawk mat thangloin, plastics-te le mawh haltum leh thangtak a mangloin" ti'n a thawt hi. Mipil mi thiamten i chenna leichung um ding dan amuziak un pa- tauna in a dim tau ahi.

5.iii). Gammang in huipi dal thei hi.

Huipi chunglam akipat a nuailam changtaka a hung hang a hipua, apheilam in a hang deu sek ahi. Thingkung hin ama sanna chanchan in hui aladal/nang a, huipi'n thingkung anawkkhak phat le- thingduate'n le ala dal seka, tichun hui hatna chu akiamsek hi. La In kim a thingkung um khan la In huipi akipatin a ven- bit piak jing hi ti la hiatmillo ding ahi. Zia hi, a diakin thing- tang gam(zodawn) ah khawgei ah thingkungte'n khawsung a venbit dan apat in le a muthei ahi.

5.iv). Thingdua'n/na'n huihawi (oxygen) a pedwk ahi.

Khawvel pumpi seli ah sua, sethum chu tuipi ahia, sekhat maimai leichung ahi. Leichung zosia ah thing-leh-gua kekdim nailo ahi. Chuleh, Simtawp leh Maltawpte khu vuk (snow) in atuam dim nalai ahi. Chun, tangsang/mual-sangte ah thing-le-gua umlo in vuk in apumtuam kit hi. Ahin, Pathian in thing-le-guate aki-patin huithiang (Oxygen) mihingte hiplut ding apedawk a. tichun huithiang chu leichung pumpi ah akihawm zak hi. Zia Oxygen ziaka chun mihingte leh hinna nei zosia i ha thei uh, i hing thei bep uh ahi. Oxygen umlo taleh mihingte hi leichung ah kicheng thei puantin, kithi ding ahi.

5.vi). Thingzung hi lei sudettu

Thingjung, suangjungte hi lei tudettua ahia a, ziaka-chun nimchim ding le a dalthei ahi. Thing umlona ah chun gua azuk phat le hawktui in lei them a tawkmang sek hi. Thing-le-suangte' nasep mihingte'n i hitphaklo tampi a um nalai hi. Etsakna ding, i gam a thing-

le-suangte beikêi taleh tusang ahin igam ah leichim alesawm in tam ding ahin, chentheilona leh kikawmtuana chanpha buai mama ding ahi.

6). Muthei a gammang a phatchuamnate.

6.i) Gammang akipat ah matchak ding (timber) apiang hi.

Gammang ah thingkung lianpipi a kek ua, ziate chu mihing a dinga matchak ahia. Timber akiti phat le In vanmat lamte: Lei(bridge)-rail lampite bawlna vanmat lampang genna a hideu a. Chuleh In isak phat le thing panglo in a kibawl thei puai. Building a kisak natiang inle thing panglo in a kibawl thei puai. Chuleh, thingtang hihenla, khawpi hitaleh a tamzaw'n building kisajolo ahijak in thing In ah cheng a kitamzaw ahi. Ziaka-chun, thing leh guate hawitaka kepbit ah mat a kul hi.

6.2 Furniture.

Thing ah kipat furniture tampi a kibawl dawka, ziate chu; lupna, chutna, dawkan, Almirah, thingkuang leh adangdangte ahia Thing umlo leh Insung matchak ding kibawltheilo ding ahi.

6.3). Plywood.

Khawl a bawl plywood te le thing apat bawl ahlu a plywood chu furniture leh In sakna ah nasatakin kimang hi.

6.4). Puan leh paper siamdawna ahi.

Thing leh guate a kipat in puan leh paper tamtak machine apat in siamdaw ahlu.

6.5). Gua leh Mau.

Gammang apat gualle-maute le Insakna ding in a phachuam ma ma hi. Zialochun, gua leh maute apat inle paper siamdaw ahlu hi.

6.6) Anhuanna thing (firewood).

Thing apat in Anhuanna theina a kimu'u, tamtak in thing mangcha'n An a kihuan nalai hi.

6.7). Meihawl(charcoal).

Thingkung leh thingjung apat in meihawl siamdaw ahlu, meihawl chu An huanna leh meihawl in a kimang phachuam mama hi. Tulai Lamka leh akim ah chengte'n meihawl a kiha mat mama a meihawlchun , gas leh Kerosine manglote a ding in a phachuam ma ma hi.

7). Gammang melmate:

Gammang melma li-

anpen chu ei mihingte ma ihlu ahi. Mihing in thing-leh-gua kum cheng in tampipi kiphuk in i suthelthang u'i. Thingtang lovatna thing tuai tampi kivat tha'n a kihal tum jing hi. Chuleh, mihingte man meihawl ding, plywood, paper, An huanna thing ding leh a chuam chuam in kumsin in a kiphuk ahi.

7.i). Gammang melma:

Mei (fire) gammang melma lianpen khat ahileh mei ahi. A diak in thingtang gamah phalbi gam keu phat le sa kamkhat nek-utna po in gam lianpipi ihalthum ua, zia gual hi haisan ahuntak zet tai. Sa kamkhat, kamni dawina igam ilei ihal tumtum uh hi ei ma pheipi chung ah sa kitem tawh kibang ahi.

7.2). Meihawl hal.

Tulai in zia hile i habawl mama tau. Meihawl munkhat ah i hal phat le a kim leh vel ah thing hung kek dingte nasan akangtum , a lei le tununga ding in amatthei tapuai. Ziakachin, i gam leh lei chul in a keusuakta ahi. Chuleh thing leeh gua le tawm deu deu in gamkeu a suakjo ta ahi. I chenna gam mangte khawksakna

bei ah i hal hal hi eima-le-ei-
ma kisuksiatna chikhat ahi. Uipi
khat alupna savun nene henla
atawpin anbei leh alupna ding
taklo tawh kibang ahi.

8). Thukhakna:

Genesis ah Pathian in
leichung leh asung um zosia
asiam lai in, a en a hawi asa
mama hi. Chuleh, Pathian in
gammang hawitakte sung ah
sa-le-vachate leh ganhing zo-
sia a umdiu chu hawi asa, zia
chu a siamna ziak le ahi. Ziate
chu ei un i suksiat zing ua le
Pathian pawikhawina khat le
hithei ahi. Ei un, gamlak ivak le-
hle i chem ahiam em ti'n lamgei
ah thing kisat tei in, migam ah
lam gei thing khat phuk chu
mihing hinna lak tawh kiban-
ga min a ngai uh ahi. Chuleh,
gamlak theikung leh nekthei
thing khat imu leh itu leh chate
ading kikhual talo in akiphuk
pâi a, damsunga nekthei ding
chu khat vei kine bep, maban
kikhual seklo ahi. I gensa gual-
in aphatchuamna igente mud-
ing aum tapua, ichenpi dinga
Pathian siam thing-le-guate
umlo in ei uh bangma kihidiak-
lo ding ahi. A hingkhawm leh
umkhawm dinga Siamtu in ei si-

amlai ei un du-âm jïakin isuksi-
at jing le leh amau panglo in ei
uh bangchan kihingthei diaklo
ding ahi. Ziakachun, ikim iki-
angte leh gammangtehawita-
ka enkawl a panla ding in Lal-
pa'n ei malzawl chiatta hen!

.....o0o.....

KICHEINA LEH GINGTUTE

~ *Evan.T.L.Mang Vaiphei*

“Suapite haw, a dik tapo, a ja-um tapo, a fel tapo, a thi-angtho tapo, a daw-um tapo, a kithang melpha tapo leh a pha jaw him himte chu ngaitua un” ~Phil.4:8.

Thumasa:

Tulai gingtute hinkhua subuaite lak ah pakhat chu kicheina hi a hi ta’i. Khang masa lamte khan amau nei dan dan ah kivhei in lunggil thiangtho tak in Pathian a la be sek ua, himaeh, tulai khangte hin chu Western lamte kicheina entawn in, a hawi thei pen, a kichei ding, mani nei phulo ah kichei guatna ziak in inkuan tam tak in buaina a tuak khawlaw uh a hi. Kichei lo ding i ti pua, hi-maleh, eima nei tawh kiphu ah kichei ding a hi. Zia bep chu hilo in, kochuam khen khat ah puitute hin kochuam mipite kichei dan ding tiang le naw bawl thim i bang ui. Bible ah kicheina tawh kisai tamlo vak en hitiu:

1. Kicheina ziak in kochuam ah kichuam bawlna a um sek hi Jak.2:1-7:

Jakob lekhabu ziktu hin kochuam sung ah kikhenna a pian sak dan a la gen hi a dik a hi. A jawng a hat, a hau a vai, kal a kigamlatna sulangtu chu kicheina a hi. Kichei hawi deute chu chutna pha i kawkw mu’u a, kichei zo lo deute chu limsak in i nei puau a, zia hin Khrista gingtute lak a kikhenna a tut sek a hi. Mi’ ama nei dan dan ah a kicheina hi i pawm piak ua, i ja piak ding uh a hi. Kichei chu

thilpha a hi jing lai in, midangte ettawn thei ding in i kichei ding a hi. Nei ‘show’-na dan ah mang a kicheina hin i thagau lam hinau bangma lo a hina a sulang jaw’i.

2. Kicheina sang ah nasep pha hi ngaisan jawk ding a hi I Tim.2:9:

Paul hunlai hi le tuhun gual tho a la hi ding dan a hi. *Numei chu a hun bepcha leh nik leh puan kilawm tawkw tiang bep in kivan uh hen, samphek a hem, tuikep suang a hem leh puan mantam tak ah kichei lo in, nasep pha’n kivan jawu hen; zia chu nu-*

mei Pathian ngaisak kitite a ding ah kilawm him a hi, ti'n a la gen a hi. Tulai le Paul hunlai gual tho in, **nasep pha leh Pathian ngaisakna nei lo in** kichei ding bep buaipei, Kikhawp cheng ah vanh san ding gua, a sang zote chu mi chethei ah kingaina khawvel a hi tai. A kilawm bep ti hi ngaitua kham tak a hi. Tulai chu a kilawm bep khel l ngawn ah kichei gua i hi tau.

3. Pawlam kicheina sang in sunggil lam kicheina hi Lalpa'n a ngaisang jawi (I Pet. 3:3-4).

Tulai kicheina hi i et chun a hawi thei a, khantona tawh le a kituak hi. Himaleh, i pawlam kicheinau a hawi gual tuk in i sunggil lam uh hi a hawi puai. I sunggil lam uh chu, itsikna, thangsiatna, mani masialna, du-amna, chintawh het lona'n a dim a hi. Gingtute kicheina ding chu - *pawlam kicheina samphek-te, sana khite, sil leh chen phate hilo in, lungthim sunggil lam ah mihing hawina kiselgu, lungthim thunuaigawlina leh nunnemna, puansil se theilo ah kicheina a hi zaw ding a hi. Zia chu Pathian mit mu in a lul zaw ma ma a hi.* Path-

ian mit mu ah a lul ding ngaitua-na sang in, mihing mit mu ah a lul ding leh a hawi ding i ngaitua jawk ziak un kicheina buai in i buai zo tau a hi.

Thutawp:

Kichei lo ding i ti puai, i kichei ding a hi. Himaleh, i kicheina chu eima nei tawh kiphu tawh a hi ding a hi. Nei khel a kichei guatna a hem, kichei ding ah kinawna a hem chu Pathian dawi dan kalna a hi. Eima kichei dan ah mi dang kichei sak ding hilo in, mi dang kicheina kipakpi dan i thiam ua, ja bawl dan i zil uh a ngai hi. Eima i nei ziak ah i nawp dan dan ah kichei ding hilo in, mi dangte ettawn thei ding leh, mi dangte tawh kikhe-lo ah kichei dan i zil jawk ding uh a hi. Lalpa'n kicheina sang in, *lungthim thunuaigawlina, nunnemna leh nasep pha a ngaisang jawi*, ti hia'n la, mihing kipakna ding hawl lo in, Pathian kipakna ding in hin gaw jawi tiu.

Pathian et ah a dik, a ja-um, a fel, a thiangtho, a dawi-um, a kithang melpha leh pakchak takte i hawl zaw ding uh a hi..

PATHIAN IN ISRAEL NAM 12 TE LAK AH JUDAH A TEL ZIAK

*~Mr. Pauthiansang,
Serampore College*

Pathian in Israel nam 12 te lak ah Judah atel zia hi gen dan chuam chuam aum ah, maleh zia te haw zosia chu aleng ah vak gen seng theilo ding ihi zia in, chawmkim cha'n thei kham kham in vak ngaitua khawm leu hin l nuam ahi.

Pathian in Israel nam 12 te lak ah Judah atel zia hi l vak ngaitua ahi chun, alo theilo in Joseph chanchin hi gen latlo theilo dinmun in aum sek ah, aziak chu, Joseph hi Jakob (Israel) cha te lak ah, a pa (Jakob) thu mang pen leh a pa'n adawisak pen chu ala hi.

Zia bep chule hilo in, l Bible ah imu gual un haksatna leh beidawanna tawpkhawk at-hawk lai in "Lalpa chu Joseph kiang in aum zing ah", ti ahi. Zi um zia tak chu ahileh, Joseph in Pathian lung atuak mama zia leh Pathian ah a kingak jaw zia tina kha ahi. Tichun, asuapite'n ahuat zia ua tha dinga kawkhuk ah aselut lai ua khan le, Pathian chu akiang in aum zing ah, haksatna leh bei dawanna tawpkhawk athok lai in le Pathian kha ahemil him him puai, Ama (Pathian) dawi gual

bawl leh ana sep chu alung lam ala hi zing hi.

Ahinla a mak mama pakhat chu, zia gual ah Pathian lungtuak mama leh Jakob (Israel) in a dawisak mama mi chu bang zia ah tel ah umlo adi aw? ti hi ahi. Mihing ngaituana ah chun, zia gual ah Jakob in adawisak mama alungtuak mama mi chu, Pathian in vak tel mai leh chu ki lawm tak ahi'n, ahinla atawp lam ahin, Joseph hin Pathian lunglam lo tak ah thil bawl khak nei hi din ka gingcha ahi. Zia chu ahileh, haksatna leh bei dawanna athawk lai akhan Pathian dawi gual in hinkhua ala mang ah, maleh Aigupta gam pumpi ah vaihawm tu'n ahung pang ah, tichun Pharaoh dawisak na ahung chan hun akhan vang chu Pathian dawi gual bawl leh ana sep sang in, ama ading bep ngaitua leh

ama lawkna ding bep ngaitua-na'n vai ahawm zaw ta mai ahi.

Zia ivak gen thei na pen tak chu ahileh, Aigupta gam ah kum phat hun kum sagi sung ah bu zosia chu a dawl khawm ah, khawpi sung ah chun bu a sung khawm ta'n: Khawtin ah chun a kimvel ah Lo ah bute chu a sung khawm pek a tichun, Joseph in bu tam tak, tuisuagiat piaunel jat hial in a sung khawm gei gui mai in, tesen le ahi taklo ziakin, a te se se ta puai (Gen 41: 48-49). Ahinla, kial ahung tun phat in a bu lak khawm zosia kha azuak ta mai ahi (Gen. 41:56). A thawn ah alak hina pi ah ama lawk na ding leh Pharaoh ading a ngaitua ziak in athawn ah hawm talo in azuak sawn zawta ahi. Tichun, Aigupta mite ading achun, amau un aki lawdo sa'u chu amau mama'n aki chawkuh ahung suak ta ahi. Zia bep chule hilo in Aigupta gam ah mizosia'n bu chawkna ding sum leh pai anei taklo nung tiang ua khan le, "La ganchateu hun pia mai un; dangka la nei lo ua leh la gancha man un nek ding hun pia'ng ka," ala ti nalai ah (Gen. 47: 15-17). Tichun a ganchateu zosia abei kei nung

in Aigupta mite chun a Lo uh a zuak mang zo un, zia phat chun Joseph in Pharaoh a dingin Aigupta gam pumpi chu a chawkiak ah, Mipite a hui leh chu Aigupta gamgi langkhat ah kipat langkhat tiang in a suak in a kawi sik sek ta ahi.(Gen. 47: 20-21).

Ka ngaitua sek ah zia thu hi, mite ading ah damna hiding leh genthei chagate sawmdawltu ding ah gam vaihawmtu a guat hina pi'n, mite negamtu leh midangte ading ah gentheina tuttu ahung hi zaw ta mai ah, chuleh Pathian dawigual ah um ding leh Pathian lungthim gual paw ding hina pi'n ama ading bep ngaitua na ziak leh Pharaoh lung hawl zawkna ziak in mite ading ah puakgik siampiak tu'n ahung pang zaw ta ahi. Zia gual lungthim chu Pathian dawi dan ala hilo ahi.

Genthei tak leh lungngai tak ah suangkul ah hinkhua ala mat zing lai akhan Pathian chu akiang in aum zing ah, chuleh aswapite'n tha ding aguatlai ua khan le Pathian chu akiang in aum zing bawkuh ah, chuleh Potiphar zi nu'n ahek siat lai akhan le Pathian chu akiang in

aum zing hi, himaleh lopi tak leh thunei tak ah, mite chawisan leh mite pakchat ahung hi phat akhan vang “Lalpa chu Joseph kiang in aum zing ah” ti hi aki mu talo ahi, akhawk khawp mai! Lungthim lam en sektu Pathian chun Joseph lungthim hi le ala mu chian talua chu hi ngei in ah. Ahinla alangkhat lam in, Judah hin Pathian lungthim ala tuak mama in ka he ahi. Aziak chu, a lung thim hi hepi-na’n adim ah chuleh mite damna ding ahi phawt chun mani thawk ding le khawksalo hial ah ki pedawk ngam mi ahi.

Asuapi pau Joseph tha ding ah kawkhuk ah apailut lai ua khan, Midian sumdawng mite kiang ah zuak sawn ding ah ngaidan hung paw daw kha ama ahi, aziak chu asuapi pa Joseph kha ahepilo zia leh amuda zia ah ziagual ngaidan kha ahung puak daw hizolo in, khuksung akhan Joseph kha um den henla hile thi ding ahi ti ahet mama zia leh, asuapi pa damna ding a ngaitua zia in ziagual ngaidan kha ahung paw daw jaw ahi (Gen. 37: 26-27). Zia bep chule hilo in, Aigupta gam ah Joseph in, “la nau neupen uh

Benjamin la hun puilo uh chun ka mel mu puan lau” ati lai akhan, a pa Jakob (Israel) in Benjamin Aigupta gam ah apui ding uh chu aphal paw ngal ah, maleh Judah chun apa kiang in “Nau chu ka kiang un hungsak mai in; tichun, kipan ing ka tiu in, chia mai kau: kei uh tawh, nang tawh, I nausenteu hi thilo ah, I dam theina ding un. A chung-hâng thu ah hin keima’n a maw-paw pek mai ka; keima ngei ama chung ah hin mawpua’n ei ngai inla: ama chu la kiang ka hun pui tung kît lo ah, la ma ka dinsak kîtlo chun, a maw chu kumkhua’n paw mai ing ka. Khawdâng sawt lo hileng uh, tuhin a niveina le hung tung kit hial ta ding ka hiu ah,” ti’n a dawnhu a (Gen. 43: 8-9).

Zia dawnhuna hin ka lungthim akhawi khawp mai ahi, aziak chu Judah hin a nau-pa Benjamin hi a pa (Jakob) kengbul ah pui tung kit ngei ngei ding ahi ti leh damtak a hung kile kit ngei ding ahi ti hi hemasa hile vang chu zia dawnhuna hi haksa khel ding in ka gingchai pua, ahinla Judah hin vang a nau-pa Benjamin hi apa keng bul ah apui tung kit

leh kitlo ding chu a he masa him him pawngal ah, chuleh achung ua bang ahung tung diam ti le ahemasa diak lo ahi. Ahinla, haksa mama ziang lehle alampi um sun kha ahi ziak in, mite ading ah damna ding leh a manthailona ding uh ahi phawt chun ama leh ama ahung kipedawk zaw tamai ahi.

Zialochun, Joseph in Benjamin a henden guat lai akhan le Judah ma hin Joseph kiang in zia gual hin agen ah, “tuhin, lungsiat tak in, keima la suak hi zia naupang thasâng ah hin ka pu suak in ei umsak mai inla; naupang hi a u te tawh kiton in chia kitsak mai in. Naupang kitonpi kit lo hin ka pa kiang lam ah bangti chia kit thei ma ma ding ka hem? Ka pa chung ah siatna hung tung ding chu mu ngam ma ma lo ka hi,” a ti nalai ahi (Gen. 44: 33-34). Aw khai! lopi chu ka vak sana lawm lawm e, zia gual ah mani kipum piak na lungthim hi Juda’n avak nei mai chu, ama ading bep kha gel hile vang chu, tiguval kampau hi nei ding in ka gingcha him him lo ahi, ahinla ama lawkna ding bep ngaitu-alo mi ahi ziak in mite ading

ah damna ding ahi phawt chun bang gual dinmun hi ziang leh le ahuam ah, ahinna tiang le itcha zaw talo in aki pedawk ngam ahi. Ziagual lungthim pawtute ma chu ahi Lalpa’n atel sek te chu.

Joseph in vang, ama lawkna ding ngaituana in, lopi tak leh dinmun sang tak ah ahung chut phat akhan, mite ading in puakgik siam piak tu’n ahung pang ah, chuleh Pathian dawisakna hawl sang in Pharaoh dawisakna chu atel zawta, tichun tuni tiang ahin asuante chanchin sui tâk ding a um bek puau. Maleh Judah hin ahi le vang chu mite ading ah damna ding in ama hinna natiang aphaal ah chuleh Pathian dawigual lungthim a put zing ziak in, athi nung tiang in asuante chanchin hi suito pek thei in a um nalai ah, chuleh Israelte lak a vaihawmna lalchutpha chu Judah nam te kiang ah piak ala hi to pek hi. Chule Pathian in I Lalpa’u Jesu khrista hung piangna ding phunggui akhan le ala tel bawk ahi.

Lalpa’n simtute zosia I chan ding chiat un ei malsawm piak ta hen. Amen.

Ecological crisis

I chenna khawvel Siatna

~Rev. Lienthienmang

Ecological crisis tih min hi ei pau in a um pua, mat le kimang khalo ahizhi in Sappau apat kila dawk ahia, Sapten le Greek pau apat alak dawk uh ahiziakin athumal hi genchian thiam leh hetchian thiam ahak mah mah a. Aziak chu Ecology min hi thil lianpi tak huap le sukha ahi zia ahi. Amin hi Greek pau mal nih kigawm ahin zia chu Oikos (House or In) Logia (Study or zilchian) tihna ahi. Ecology tih hi ei pau in ledawk ding hile hin ledawk dan chuam chuam le um in a, ahin het bailam thei pen ding in I Chenna Khawvel(Thing le mau ganhing, Chuam Chuam aneu pen apat alian pen muthei le mutheilo tiang, boruak leh I chenpih thil dang dang) le ahup hi. Crisis tih hi Sappau ahia ei pau achun siatna tina ahi.

1. Ecological crisis hi bang ahem?

Ecological crisis tih kam pau hi mithiam ten thilgena (terms) a amat sek uh ahia, zia terms hi mihingte thilbawl zia a khawvel siatna apat siat zawksemna lam genna a kimang tangpi ahi. Ecological crisis chu khawvel siatna lam haw a chiah zel ti le hin kigen khiallo maithei ahi ikhawvel boruak athiang ta pua i tuina-kte atawmta, gam akeu in gua zu atawm deu deu a thaichi leh thil hingte genlo mihingte ading ziang ale haksatna tampi aum

ta, natna apung a mihingte a dinga siatna tuilian, nimchim, huipi leh thil chuam chuam mihingte ading a lau um, zia haw cheng cheng hi ecological crisis nuai a um ahi.

I chenna khawvel hi a siatdan gen dan zat chuam chuam um ding in ginchak a um a, ahia tuni igen nawp pen chu sakhua lam tawh ki sai in gen leuhin ka daw i a. mithiam tamtakten zia ecological crisis kipatna hi Christiante ahui atiu a aziak chu Genesis 1&2 na ah khan Pathian in leichunga thil um zosia chung ah thu nei

ding in mihing asiam a, zia thu chu panchak in abik in mihing ten zia khawvel a thil um zosia chung a vai l hawm tai. Zia hi Christian tangpite ngaidan le ahin l chiapi dan le la hii. Ahin ziatak a ihetlo hial uh khat chu zia Bible verses Genesis 1&2 hi colonization (gam ki awmkhum lai) ah khan Sapten (Westerner's) amau pan mun ding in tapi vei interpretation (amau lawkna ding a hihhchian) ala bawl ua zia interpretation chu thing le mau, ganhing bep hilo in mihing chung ale ala mang ua tuni tiang in zalenna sual in gam tamtak a um nalai ui.

Genesis 1: 26 na hi mitamtak in ingai khial sek ua Pathian in thil zosia chung ah thu neitu in ei guat ngei nai ahinla, thil zosia hisia ding in ei guat puai ti le ihet ding un dawi aum ma ma hi. Zia thuneina hi mihing in sakhua thil a ilak phat le l Bible in ei gen hiven ti in mahni duham na'n l mang kha sek ua ziaziaak chun l chenna khavel hin siatna apat anasa zawsem in siatna lam in ei pui zing hi.

2. Christian Sakhua leh Sakhua dang tehkhinna:

Ecologist mithiam tamtak te chun Christian sakhua zuitu le sakhua dang zuitu comparison (tehhkina) aneih nau a chun ti hin agen ua. Christian sakhua zuitute ading achun thil zosia chung a thuneitu gual in akingai ua thil zosia hi amau thu thu amau dawi dan dan a hei ding, bawl ding leh mang ding in ngaituana liantak anei ui. Zia ngaituana chun amau puihuai in Christian gam tamtak chu changkang in achangkan nau in khua leh tui ganhing chuam chuam leh thil dang tapi asusia akim akiang ading ngaitua lo in amau ading bep aki ngaitua ziaak uh ahi. Ahin la sakhua dang zuitu te vang thing leh gua leh ganhing zatchuam chuamte hi mihing gual a hina nei ahih ziaak un za na lianpitak anei ui. Ziaziakchun sakhua dangte a dinga chun thing leh mau leh ganhing zatchuam chuamte chu mawk bawl mai mai theih ahi puai. Ziaziakchun, sakhua dangte chu changkangna lam a le niamzaw leh changkang hak zaw'n agen ui.

Zia tehkinna hi atangpi in dik ding in gin chat a um

a aziak chu mihing sakhua lam thil a igen phat le sakhua hin bang chan hem ei puia ei kaihuai a, ithulakna pen in agen phat le zia chu thunei pen in ikawi sek uh ahi.

3. Bang ziak a Ecological crisis hi um ahem ?

Ecological crisis um ziak hi gen ding tampi a um zia te lak achun pawimaw isak point khat le ni chau vak taklang hitiu.

(I). Duam ziak:

Duamna hi khawvel a thil pawe pen pen te lak a khat ahi. Mihingte'n I duam takluat ziak in thil tampi isukhial sek a. J.S. Mill chun ti hin agen a 'Pathian in mihingte ading in akituak in thil asiam a, ahinla mihingte duamna kituakpi ding in bangma asiam puai'. Zia um zia chu Pathian in khawvel a hin imat khawp ipawimaw ding tawh kituak bang kim ei guat piak a, ahin mihingte duamna ziak a commercialization (alaw hawlna) ding in bangma ei guat piak puai. Etsakna ding in meihol halten thing alau a zia thing chu hal a zawk dawikhoplo in athing zung natiang le ahung kal phat ua le akek kit

ding asel kit ding hung khanglian ding umta lo in athing athi den sek ahi. Zia guala chun sa leh nga le poison hem ahiloleh dainamo te mang in i man sek ua, airgun hawipi pi chawi in vacha leh thil hing chuam chuamte kap in ithat zo vek sek ua, ahung lian kit ding khang kit ding gel umlo midang sang a tampi mat tei tei guan hapan in ipang sek ua zia phat tak chule sa hem sanga hem bep hilo thildang zosia le i susia sek hii.

(II). I Thilneiteu (Thing le Mau, Ganhing leh Gammang) ven bit lo ziak:

Ei thingtangpa dan achun mihing khat chu a mah ngaihdan le amah dawidan a khawsa ding mawng in igel a ahinla zia khawsakna kawng a chun mi pakhat ama dawidan bepa khawsa theilo ihi hetsa ahi. I kim leh kiang i et angai a, insak inthang leh veng or khua nei chiat ihia, amau chu tawh kituak a khawsak le apawimaw mama hi. Zia kigen khawsakna lam ahin kihilna leh kiziltina hi ei thingtangmiten itasam mama ua I society le ahat zo pua, ziazia chun I

pu leh pa ten go eila kawpiakte hi enkawl dan thiamlo ihiu. Thing leh mau inei teu, gamsa leh insa inei teu, I luidung teu hi abei deu deu a atawm deu deu a, zia haw zosia ading ahin etkawl khat cha le aum pua kihilna le a um diak puai. A ziak chu mani khawsak a khawsa te ihi ziak uh ahi. Zia bep chu hilo in khangthak te a ding in bang ma kawpiak kha lo ding ihiu.

4. Ecological crisis lak a panlak ding dan:

Ecological crisis lak a pan lak ding dan chuan chuam umding in ginchak aum a ziate lak achun point pani I ngaikhawk deute gen hitiu.

(I). Kochuam leh society sung ah kiziltil ding ahi:

Kochuam leh society hi ei uh thingtangmi te ading a organization pawimaw mama ahin zia organization panite hi ikivaipuak naule iki thuhilnau le ahi. Kochuamtin leh society tin te hin ngai pawimaw hen la kochuam mipite kianga le society sung a mipite kiang a ecological crisis ziak a buaina ituak theite, buaina apat iki ven thei dante, ipu leh paten golul eila

kawpiakte venbit ding dante hi ziltil or awareness piak hile mitamtak in apawimaw dan hung he'u intin hung ngai khawk diak ding ahiu. Zia bep chu hilo in mipiten ahung hiatthiam phat ua le amau chu mipite mah amangtu leh avengtu hung hi ngal mai ding ahiu.

Kochuam le society lam akipat zia lamkai ahin kizilsakna I ila ngaikhawk kha pua, ingaisak khak lo ziak in I gam bep hilo in mipi'n le nasa tak in ithuak kha ahi.

(II). Society dan siam:

Society dan siam hi ngawl huai isa maithei ahinla society dan siam hi ecological crisis lak apat panlak na ding a apawimaw mama khat ahi. Ecology lam tawh kisai ahinle society le kochuam inle dan tampi isiam thei a kizilsakna le tampi ipe thei ahi. Khawsung a ki vaipuakna ding dan bep hilo in nin pai ding dan gan-cha chung a dan thing leh mau chung a dan siam hi apawimaw ahi. Zia tawbang dan hi michangkangte leh mipil ten sawt pek akipat ala nei ua ala zui ahi tau. Gam changkangte chun society in dan asiam a,

zia dan chu bawtsia aum le gawtna ape sek ua, zia dan chun mipite kankhawm in agam leh nam sung a ding in thil pha apawt sek hii. Etsakna din sakap, vacha kap hun neite, sanga mat hun neite, sanga matna dinga poison leh dain-amo matlou di tithe, kumcheng a Lo bawlna ki chawnlo a kum thum bek ahi masia Lothak vâtlo di tite leh adang adang te isiam in izui thei ahi. Society lamten hin pan lau henla ziagual achun dan hung siam leu i thing leh maute le hung khang man intin, igamsate le luisaten le khandaw na'n hung nei in tin uh hung ki belap zel ding ahi. Zia chau chu hilo in next generation khang hung thak zel te a ding ale ettawn-tak leh zui ding a kilawm nutsia piak ding ihu.

5. Conclusion:

Tuni hin icha le naute dawng le hin uh khawi gam a la cheng ut em? khawi a la zin ut em? ti leu hin, I chale nauten ei dawnhuna ding uh chu migam gam nuam leh vawt boruak thiang leh hisel changkang leh nal tel ding in ginchak aum a, aziak chu mi

dang gam dang ten a gam ua thing le mau gamsa leh insa, a lui(river) neiteu angai paw-imaw ua a etkawl ziak un nal le changkang ahiu. Ale lam a icha le nauteu kiang in igam dinmun uh dawng leuhin tihin ei dawng ding in ka ginchai "igam uh asatdan hi ahuausiai, ilampiu nin leh khu kithua itu-inek uh atui pua, ningkitel aum hi" ti ding ahiu. Aziak chu thing leh mau alian aneu umlo in isat thau a, a zung tiang I kal dawk ua gamsa leh vacha chung ah atalua umlo in ki el nan I mang ua, itui nak nei sun sun teu isu pawlche ua, hung lian kit ding hung khang kit ding ahiloleh, siamphat ding lam I ngaitualo ziak uh ahi.

Tuni ahin kochuam le khawtang society ten I gamsung a ding i ngaitualo ua leh I gam hin sat lam manaw deu deu in tin, zia chun ei subuai tho tho ding ahi. Kochuam leh society ten ecology lam ngai paw-imaw a I Aw teu I sua uh ahun mama tai. Gamsung, khawsung leh i mipite a ding in kochuam in pan nasa tak ah la ding in iki chial ahi.

.....o0o.....

APOSTOLIC INDIAN MISSION CHANCHIN CHAWMKIM

*~Rev. Bobby D.K. Vaiphei
Field Supervisor, AIM
New Delhi*

Amasa pen in Lalpa'n zia guala hun pha ei pia ,article chawmcha te zik dawk thei ah ei mapuitu Pathian chu pakin um hen. Damna Aw editor ten dawisak taka article hung zik dinga ei hung chialnau hi ka phu lo in ka hia, ahinla kipak um la kasa ngal ah. Lal gam keklet zel nadinga chun thiam leh thiam lo ti um lo in, thei kham khama i bawl te hi Lalpa'n malzawl nadi kawm tiin, thanuam tak pumin zia article tawmcha hi kahun zik zaw ahi.

Apostolic Indian Mission (AIM) hi North East India apata indigenous missionary society te laka khat ahi. AIM hi para-church mission organization hi'n, zia chu ahile, kochuam (denominational church) hilo, ahinla kochuamte tawh kihiatua ah mission na a thei leh kul dan dan ah semkhawm ding tina a hi. A thil tup chu ahile -India gama gingtu umlona muna evangelism, missions le church planting nasep te hi ahi.

AIM pawl phudawktute chu Pu R.H. Hminglian Hmar (Rtd. Dy Secy., Govt. of India) leh pauchap pawl mi tawmcha te ahiau. Date 3rd February 1996 ni khan New Delhi khaw-

pi ah ala ki phudawk ahi. Zia Pawl thupi ahi le 1 Korinth 1:23 "Kei un vang Khrista khetden ah um thu chu ka gen ui " ti ahi.

Zia Mission hi kouchuam pakhat nuai ah a um pua, kouchuam chuam chuamte tawh mission na semkhawm zaw ahi. Tuhin mission fields 20 (Nepal tawh Bangladesh pangin) ah nasem ahi. General headquarters hi Aizawl, Mizoram ah a um hi. Fields Ministry Headquarters ahi le New Delhi ah a um hi.

Mission field te chu ahile ziate hi ahiau-

Bangladesh, Chhattisgarh, Delhi, Gujarat, Haryana, Himachal Pradesh, Himachal

Pradesh², Jammu and Kashmir, Jharkhand, Madhya Pradesh, Nepal¹, Nepal², Odisha², Punjab, Rajasthan¹, Rajasthan², Sikkim, Uttar Pradesh, Uttarakhand, West Bengal. Missionaries hi 48 a nei hi. Mission Society members mi 2500 vai a um ua, amaute chu Assam, Manipur, Mizoram, Delhi leh mun dang dang apat te ahiau.

Partner mission organizations 13 te tawh partnership basis in na a sem bawk hi. Zia partnerte chu ahiau le anuaia te hi ahiau-

1. Calcutta Mizo Christian Fellowship
2. Delhi Burmese Christian Fellowship
3. Living Faith Baptist Church ,Delhi
4. EFCI, Hebron, Shillong
5. EFCI Gen. Hqtrs Mission Department, Shillong
6. Hyderabad Mizo Fellowship
7. Independent Church of India Mission Department
8. Pune Mizo Christian Fellowship
9. Thenmual Local Church, Churachandpur
10. Vaiphei Christian Fellow-

ship Delhi

11. Zoram Evangelical Mission, Mizoram
12. Lamphel Vaiphei Church, Imphal
13. Vaiphei Fellowship, Mantripukhri, Imphal

AIM Mission Vision ahile, India gama hin gingu a pung tawm mama a, zia ziaka chun a nuam le haksa gen lo a, thagau mangthaite hukdaw nasep di ahi. India gamah hin mi 76 percent te chu rural areas (thingtang khua) cheng ahiau a, Pathian thu lamin le aki hawng zaw deu ua, ziaka chun rural areas ah te mission na hi sem tam zawk di ti ahi. AIM hi indigenous ahi gualin sum le pai mamaw te hi l gamsung ah sum nak hawla sukpun thei dan dana sukpuna mission na sem di ti ahi. Mani khut ngeia le na sem a , sum law dawk a mission nasep kawmdi ti le a hi. Mani kichawm missionary (Tent making) le a thei dan dana guang-tou ding ahi.

Mission aims and objectives chu zia gual hi ahi.

(1). Gingu za ah sawm um tinlona (below 10%) India gam sung ah states and union terri-

tories mun ah te ah missionary sawl di.

(2). Chun Bangladesh, Bhutan, Myanmar, Maldives, Nepal leh Sri Lanka gamthim gamah te hinle missionary sawl di.

(3). Zia banah chun, gingu (Khristiante leh kochuamte) te khua/veng tin ah chun missionary supporters hawltu dinga Regional Office siam daw zel di, zia nasepna ahin kochuam te tawh pan lakkhawm ah bawl ding ahi.

(4). A ban kit chun, India gama North East region ah cheng tribals gingu umlona munate missionary atam thei lam sawl ding ti ahi. Zia a thil tup te hi sep daw nadinga chun gingu tute, kochuamte, mimal, inkuante, pawl chuam chuamte, gamthim veina nei zosia l pangkhawm ua pawimaw takzet ahi. Mani pawl ahiloleh mimala ten sep daw guallo ahi ti hia' sep khawm ding hina.

Field annual report 2018.

Ningkum 2018 sung ah chun mission fields cheng apata annual field ministry reports lakkhawm ahia, ziaguala hin result mu ahi. Gingthak lak zat chu mi 908 ahia, ziate laka

chun baptisma chansak zat chu mi 116 te ahiu. Kum 2019 sunga hin target aki siama, thagau mangthai mi 1000 bek hukdawk dingin. Pauchapna ten ala hiadingin iki chial ngal ahi.

AIM contact nuamten zia anuai email te le phone nos. hin contact thei ahi.

.....

APOSTOLIC INDIAN MISSION
General Headquarters Office
C. Lalkunga Building, Chawnga Road Khatla, Aizawl, Mizoram-796001
Phone- 0389-2335349
Email: aim_indian@rediffmail.com ; aim_indian@yahoo.com
Facebook group: APOSTOLIC INDIAN MISSION

APOSTOLIC INDIAN MISSION
FIELD MINISTRY DEPARTMENT
Babita Tanwar Building
WZ144 second floor
Naraina Village, New Delhi-110028.
M: 9013212696(whatsapp no.); 962559582

.....o0o.....

NANG, HINNA BU-AH LA MIN A CHUANG NA DIAM?

~Mr Pausawndam

Mithite, a lian a neu, lalchutpha ma-âng ah hung ding chu ka mu'n; ziaphatchun, Lekhabu chu a phêt un; chuleh, lekhabu dang Hinna Lekhabu kiti chu a phêt kit un; mithite zosia chu a thil hi dan uh Lekhabu kizik dungzui in thu a tan piak tau a. Tuisua-giat chun a sung ah mithite chu a thâdok a; thina leh mithi khua'n le a sung ua mithi um zosia chu a hun thâdok un; mitin chu a nasep dungzui chiat un vai a hawm piak tau hi. Thina leh mithi khuate chu meidil ah a pai tau a. Zia chu thini'na chu ahi tai. Kuale Hinna Lekhabu a min kizik lo tapo chu meidil in a pai tau hi. (*Thupuan 20:12-15*).

Thumapui:

Hingcha zosia te'n Vai-hawmna nunungpen(Final Day of Judgment) i ki tuakpi phat tak uh leh, Pathian in mihiamte lungthim ngaituanate, i paukam zosia teu leh i thilbawl zosia teu ala ziklut (record) zosia kha zia vaihawmna, hun nunung ahin etthei leh ngai thâk leh muthei ding in hung suak sak ding ahi(2-Korinth 5:10).

Zia chu Solomon in ala gen lawk ta, "*Pathian in I thilbawl zosiau, a gûk ah kibawl hi hen la, a pha hi'n a sia hileh, a vaihawmna mun ah hun lakhawm sik sek ding ahi ngal a*". ti in (Thugentu 12:14).

Kumtuang gam hawi a chun Lal Jesu'n vaihawm in tin, Midikte leh miphate bep hukdam ding ahi chun, Lal Jesu nâwltu migilote tâwpna ding chu bang gual ahi ta diam?

Nang, Hinna Bu-a la min a chuang na diam?

Bang chan, bang tiang hi ahidiam Pathian in aziklut (Record)?

Mi tam tak chun, zia khawvêl ah hin a gûk ah a thil ngaituau phalo tak takte, a thugen uh phalo tak takte, a thilbawl uh phalo tak takte ziak a Pathian kiang apat thuk kitna ahem, zilgaina a hem a tuaklo ziak un, kilang daw

talo ding le, khawk talo ding in angai ua, amau leh amau aki thamuan zaw mai sek ui. Himaleh, bangkim bawlthei Pathian chun i thil bawl uh, i ngaituau leh paukam apawt (a langdawk leh lang dawklo bangkim) zosia chu fel tak leh kitup tak in a ziklut (record) sek ahi. I thi zaw nung le Lalchutpha vâm ma ah i ngaitua teu, thugen leh thibawlthe chu sim thei(read-able) ding leh hiat thei (hear-able/audible) ding leh mu thei (see-able) ding in um vek ding ahi.

Ziate chu mang chan ichungthu'u hi ngaitua ala hin tin, vaihawm piak hiding ihu. *"Mihing â dingin khatvei thi guatsa ahi'n, ziazaw chuleh vaihawmna um in a."* (Heb. 9:27)

Khrista vaihawmna Lalchutpha leh Lalchutpha Vâm Li-antak

Lal Jesu ah i dinmun, i ginnau chu gingtute ading in thil pawimaw tâwphkhâwk hiding ahi. Gingtu-tho kitte, Mithiangtho lakkhawm (rapture)-a pangte chu, mithiangtho lak khawm zaw phat leh Khrista vaihawmna Lalchutpha (Greek. Bema)

(Thup.22:12) ma ah ding ngal in tin uh, Lei a nasepna i thilbawl phat teu ziak in kipakman piak hi'i tin uh, hukdamna chungchang ah dawtna bangma um puan a. Mithiangthote kipakna HUN hiding ahi. Gingtute min chu Belâmno hinna Bu-a chun chuang ding ahi tau ahi.

Pakna la siamtu'n agen: *"A pêk lopi chu keu in tin uh, Thisan a tatte min zosia chu kim ta na"* ati gual in, i min uh avak lam daw ziang ding uh chu, kipakna ziak a biang ah mittui luang in Lal Jesu kiang in kipa-kthu igen hun uh hung hi ding ahi.

Ginglo thokitte chung ah thil tung ding ahi le vang achuam tai!

Kum 1000 bei zaw phat le, Ginglo-tho kitte chu Lalchutpha Vâm Liantak (Greek. thronon megan leukon) ma âng ah chun ding in tin uh, zia hun ah chun Gingtute chun Lal Jesu chu vaihawmpi tai tin uh, vansawlchakte, ginglote chungthu tiangin ngaitua tading ihu.

Ginglote chu a thilbawl gual chiat un vaihawm piak

hintin uh, a pha lam himhim kinepna um ta puan tin, Thiamlo chan sak ding ah vaihawm piak hizaw ding ahi tau ahi.

Lal Jesu a pawm nawplona teu, a lém a Khristian a hina teu, a ngaituanau pha lo tak tak amat sek teu, paukam pha lo ah apau dawna teu, leh a thilbawl dik lo zosiate khan amau chu thiamlo chansak zawding ahitiu ahi. *“Nangma thu’n thiam chang in la tin, nangma thu ma ma in thiamlo chang ding la hi,”* (Matt.12:37).

Lekhabu (Hinna Bu) Hi bang Zât a um em?

Thuthung Thak a hin hinna Bu (Heb. cepher chayyim; Greek. he biblos tes zoes) ti hi giat (8) vei tâklat a hia. (Philippi.4:3, Thupuan.3:5, 13:8, 17:8, 20:12, 15, 21:27, 22:19).

Thuthung lui-ah chun ni (2) vei bep tâk lat a hi kit hi. (Pawtdawna Bu.32:32, leh Sam 69:28 lekhabu ah chun hinna Bu tia tâklatna a um kit hi.

Thuthung lui-a hin chu Lekhabu 1, hinna Lekhabu ti bep agen-na hi in akilang a. Thuthung Thak ahin vang Lekhabu hi

2 um gual in a gen kit ahi., Lekhabu 1 hi Thuthung lui-a ah agen; hinna Lekhabu ahilo leh hinna Bu kha a hia, a dang hi chu Belamno Hinna Lekhabu (Thupuan.13:8, 21:27) ati khel khel kit ahi. Zia chu ahi leh Hinna Bu titawh Belamno Hinna Bu a um hi ati thei ahi.

Hinna Lekhabu(The Book of Life)

Gindân tângpi ah chun, Pathian in mihing a siamte zosia (Adam & Evi leh, Adam leh Evi suante zosia) chu Lekhabu pakhat ah a ziklut (record) vek hi.

Migilo (wicked) hihen la, mipha (righteous) hiziang leule, a min leh a thilbawl ta phawt uh kha ziklut (record) a hitai. Tichun, zia Lekhabu *“Hinna Lekhabu”* (Book of Life)-ah chun migilo leh miphate min chu a ziklut (record) vek a. Ahinla, Pathian in hun pha a piakte mang pha chuam nuamlo a, Lal Jesu ging nuamlote zosia chu a thi phat uh leh zia hinnna Bu apat chun Pathian in a min uh anuai mang (removed) ta sek a hi.(cf. Pawtdawna thu.32:32, Sam 69:28).

Lal Jesu gingtu dik tak-

te ahiu le chu a thi phat phat uh le, zia Hinna Bu-ah chun nawi mang theitak lo (never to be erased) ding in a min azik (tepte) a hi zaw tau ahi. (Thupuan 3:5)

The Lamb's Book of Life

Pathian thu hi a hak sa, a thûk ma ma ziang ah, hi-at-chian vek thei a hi puai. Hinna Bu chungchang suitu Bible Scholar-te chun, Pathian in mi-hing a siam-te min a ziklut(record)-na hinna Bu bep hilo a, a chapa Lal Jesu gingtute min chuanna bîk, Lekhabu Special tak, Belamno Hinna Bu (Lamb's Book of Life) ti a ki kawî chuam chu um ngei ding in aging chau ahi.

M'in lunggil tak leh ti-tak zet a Lal Jesu a gin chun, a thi phat phat uh le, Hinna Bu-a ah min sukdet ahi theina ding in, Belâmno hinna Bu-ah, nawimang theitaklo ding in (never to be erased) a min zik-luk ngal a hia, zia chu Vângam lutna gate-pass (citizenship) a hi ngal a hi (cf. Thupuan.21:27).

Vaihawmna nunung ah chun zia Lekhabu pani (2), Hinna Bu leh Belâmno hinna Bu te

hi phet in tin uh. Gingtute ading in, A pêk lopi a phet phat uh le Thisan a tatte min bep kim in tin uh, Zion-a chun tatsa te tawh vaihawm ding hintin uh, Ginglote ading ahi le vang, zia Belamno hinna Bu-ah a min mu zo ta pua nau.

Ziaziak a chun, ching theitak in, Hinna Bu (Book of Life) ah a min a um leh umlo a en-nawn kit (double-check) in tin uh, zia zaw a chun, migilo te chu Mei dil ah pai bep ding ahiu ahi.

Suapi dawi tak

Nang, Hinna Bu-a la min A kizik tana diam?

Nawi mang taklo ding in Belamno hinna Bu a chun nawi mang taklo ding in lamin akikhum tana diam?

.....o0o.....

HINKHUA HI

THUSIM GUAL BEP AHI

~ *Mr. Robert Gangte*

Mihiam hinkhua hi i ngai-tua tau leh Thusim gual bep ahi. Khawvel ah la damlai a la khaw-sak dan leh la tawidan haw chu, mihingte a dinga TV a film thawh gual bep la hi.

La khawvel hinna a hung bei ni ni chu leh la hinkhua thusim chu hung ki pan pai ngal ding ahi. Zia phat chule La thusim dik-tak pen chuh puandaw hi ding ahi.

Kochuam upate leh vengsung lamkaite'n Khawvel a la damlai a la hinkhua thusim chuh mipite masang in gen in tin uh, holimna nei in tin uh, la phat dan leh la phatlo dante gensusak vek hin a.

Zia a la thi luang chung-a la hinkhua thusim ki gen phat chule, Bang thu gen khak in a um diam, Chanchinpha tawh hinkhua la matdan haw gen daw in a um na diam? Ahilo leh Chanchinpha him him la hinkhua thusim a pangkhalo ahi kha diam?, La khawvel hinkhua thusim chuh mite ngaihawp a changna diam?

La thusim chuh a bul a pat

a tawp tianga gen ah a um phat leh bang thu gendawk tampen in a um diam? Krista tawh hinkhua la matdan thusim haw gen phak in a um diam?, ahilo leh khawvel thil mangthai dingte buaipina la thusim bep chuh gen tawpa um mai ding ahi diam?.

Vak ki ngaitua veng veng tia, la thusim chuh la thi luang chung-a gendaw ah a um ni chule ngai nawp a um na diam? La thusim chuh Chanchinpha panglo ahi khak ding lau a um hi. La thusim chuh Krista Chanchinpha tawh gen tawp ahi na diam? ki ngaitua veng veng tia.

A bul in la thusim chu khawvel thil a ki pan hi mahleh, a tawpna chuh chanchinpha a tawp ahi theina dingin damlai chawmcha sung ahin Lalpa bel in Lalpa tawh ki tawng zing hitiu.

I hinkhua chuh a bullam ngai nawp umlo tak himaleh, a tawpna lam chuh chanchinpha ziaka ngainawp um suak sak dingin Lalpa bel thak tai tiu.

A hun pet cha hin Lalpa thusim hi kilak hi tiu, a vaigei ma'n.

Paul Khristian Nun

~Upa Laltinkhup

Sawlwchak Paul hin Khrista nun kikawppitu ahina hin nun giltak anei ahi. Zia chuh khrista nunchan apat ah anei ahia. Gingtu dang tele ama guala Khrista nunchan zil dingin a dawn ahi.

Mi zilsaktute hi tau in, kei le Khrista nunchan ziltu ka hi gual baww in, a cha dawitakte gual in Pathian umdan latute hi tau in.

Unaute haw, ka umdan ziltute hung hi tau in. Ettawn ding kei uh lei nei ua ati ahi (1Kor.11:1, Ephesi 5:1).

Kei a dingin hin hi khrista ah ahin thina le lawkna ahi. Khrista kiangin khetden in ka umtan, ahinla ka hing ahi, keima kha ka hi tapuan khrista keima a hing ahi zawi atia(Galatia 2:20).

Lalpa leh a hatna thilhitheina ah chun hattak in um unla. Pathian galvan bukim in kivan un(Eph. 6:10,11).

Kipak zing un, chawllo in pauchap un. Bangkim in kipa-kthu gen zing un, zia chu nang-ma'u lam a Khrista zala Pathian lunglam ahi ngala (1Thes.5:16-18).

Sawlwchak Paul in keima ka hi tapua Khrista chuh keima ah ahing zaw ahi ati ziang ek mai a, ama nun chan agen leh Khrista gingtute umdan ding a dawina leh a fuina hi han ngai-tua mai chun taksa a um mihing bawl thei gual ahi em? ti mai ding ahi. Maleh hitheilo pi chuh hidingin ei til pua'nah ti he leu hin. A paukam i vak et leh bat i nei nasa mamau in a kilang hilo maw?

John Wesley ten Eng gland ah a nasep lai ua mithi-angthote a tena pen uh pakhat chu kipak zing unla chawllo in pauchap unla bangkim in kipa-kthu gen zel un ti hi ahia. Zia hile Pathian thagau thiangtho a chun hi guallo ahi puai ti hi amau leh mite nunchan apat amu zel sek ui.

Sawlwchak Paul hih a zilsakna leh ama nunchan in Khrista nunchan latu ahi ngei

zia i mu'u a. Chanchinpha ka gen khah mihing lam thu ahi puai ti ka hun hiatsak ahi. Mihing apat ah mu kahi puan, mi ei zilti ka hi chuam puai Khrista kilakna mu kahi zaw ngala atia (Gal.1:11,12).

Sawlchak Paul hin Damaska dai ah kilakna chiantak amu. Zia kha a nunchan kitheng danglamna pen chu ahia, maleh zia tak mai a khan chu Jesu Khrista zilti na a dawng chuam beklo hi in a kilang. Kilakna dangte hih khawi khawi apat a dawn ahem hekim thei puai tiu. Ama Paul in Khrista ka kianga thu gensektu ati zia hin Khrista kilakna amu zing sek ti alang chian hi.

Khatvei chu Jerusalem Biakin a pauchap lai in kilakna amu, tak a chun Jerusalem apat chia dawk a mun gamla tak ah Jeltelte kianga thugen dingin Lalpan a sawla (Nas. 22:17-21).

II-Korinth.12:1-5 thu a agen hih kilakna amu, hiattheite laka a lopipen chuh ahi. Damaska dai ah kilakna amu nung khan Arabia gama a chia daih ta. Zia tak a chun kumthum ding hial a uma. Zia kilakna hih

zia mun ah a umlai a amu chuh ahi mai ina. Hitihin a gena: Lalpa apat kilakna leh hiatsakna thu gen kai zel ing ka. Khrista a mi pakhat ka hiai, zia ngei chu kum sawm leh kum li ahi ta (taksa ah ahem a um ka he puai, taksa lo in ahem a um ka hechuam puai; Pathian in a hia'i) van thumna tiang chan in lakto in a uma. Chun, zia ngei chu Paradis ah lak to ah a um kit thu genchian theilo mihing gen thianlote chuh ahiai ti ka hiai. Zia gual mi chuh suang ing ka; himaleh ka hatlonate lo chuh kisuang puang ka. Suang nuam lengle mi ngawl hi puang ka, thu taktak gen ding ka hi ngala. Himaleh kisum ingka, chutilochun, kuanle ei mu gual uh leh ka kiang apat thu ahiait gual sang un ei ngailopi zaw khana. Chuleh hiatsakna chuh a nasat takluat ziaka ka ki ngaisan tak luatlon a dingin taksa ah ling ei pia ahi ati ahi.

Zia taka kilakna amu hih a lopi khawp mai, van thumna tiang chan in lakto in a uma. Thugen ziang theilo. mihing gen thianlo mu hial in a kigen ahi. Zia lo hile a lekthawt a genlatlo kilakna Khrista zilti-

nate chu a dawn sek ding gin-chak a um hi. Zia kilaknate chuh a rawngbawlna ding ah hatna thak hi zel in, van nundan giltak aneina ale hi ngei ina.

Ziakachun ei haw apat ah pawt a guat dingin eimau bep in titna inei ui kati pua. I tit theina chu Pathian a kipat ahi zawi. Ama maman thuthungthak rawngbawltu (nasemtu) dingin ei tit saka ati zaw ahi.

Nasemtu dangte

Gingtu masate lak a chun sawlchakte bep hilo, thagau thiangtho changa, thugen nasepna nei a um zel ua. Zia mite chuh gam tin ah kochuam hung dal zelna in kawt hawngtu pente ahiu.

Peter leh Johan ten kengbai ahi dam ziak ua Jude leh lekha ziktu ten, thiampu lalpen mapuina lal Jesu mina thu gen talo ding a vau ua, a bulu nung ua Peter leh Johante amiteu umkhawmna in a ava chiau khan, a chanchinteu gen in zia taka umkhawmte chu hangsan taka thu agen theina ding ua a pauchap ua khan a um nau in chuh ahung kiling a. Thagau thiangtho in a hung

dim tau a. A dawt gual tak un hangsan takin thu a gen tau ahi. Zia taka Pathian thu gentute hih sawlchakte bep hilo in, a tamzaw chuh gingu narante ahiu a. Zia mite chun hangsan takin Pathian thu chuh agen zel uh ahi.

Stephen suang ah aselup nung ua khan, gingu chuh ahi duda zui tau a. Judai gam leh samari gam khaw tin a adal jel ua. A chia na ta phawt un Pathian thu a gen zel ua. Hi dudana chuh Pathian thezakna dingin matchak phatak ahung hita ahi(Nas. 8:1-8).

S a w l c h a k t e dawkan(table) a nasem dinga a telteu lak ah mi Philip kha Pathian thu gentu ahia. Thagau thiangtho in Jerusalem apat a simlam pang ah lam haw suak ding a sawl a. Taka chun mi tilge laltak, kangtalai a chu- uang kawm a Isai lekhabu sim chuh ava muta.

A lekhabu sim chu, “tha dinga belum gual gual in ama chu a pui ua. Belam amul mettu masang a athipbek gual in aman le akam aka puai” ti thu hih ahia.

Philip chun, la sim khah

a umzia la he em? tin a dawnga. Ama chun “Kuama ei genchian lo in bangtin he ding ka hem? ti in a dawnhu a. Mi tilge chun Philip chu a kangtalai chungga chuang dingin a chial a. A ki-angin ahang chuta. Philip chun a thu sim chuh zawlnei in Lal Jesu thu agen lawkna a ahi thu agen ah. Lal Jesu chanchin ki-chian taka agen chun a lunggil a zo mama a. A chia zel nau a chun tui umna ava tung ua. Philip kiang a chun “En in, zia tak ahin tui aum hi, baptisma chana ding bang in ei dal khelkhel em?” atia. Zia tak a chun Philip in Baptisma a chansak ta ahi.

Philip chuh Kaisari khua um ahia. A khaw zawtna lam ua a chia na a chun khawtin ah Pathian thu a gen zel a. Kaisari khua atun in damlo tamtak Khrista min in a hi dam a. Thitha zawl gilsung apat thithate anaw dawk a. Zeng leh kengbai tampi ahi dam bawk a. Philip thilbawl te chu amu’u in mi tamtak in Jesu a ging tau ahi.

Philip chun chanu pali(4) anei a. Nunak thiangtho ahiu a. Amau inle Pathian thu a gen sek ua.

Lal Jesu’n thagau thiangtho chu la chung ua ahungtun phat leh thilhitheina hun nei inla’u. Tichun kawlkil tiang inle ka thu hetu hung hin lau ati leh sawlchak Paul in a tiam kha nang uh a ding leh la chateu a ding inle, gamla taka ei hawlte zosia a ding inle, Lal-pa i Pathian un a kiang a ako zosiate a ding ahi ti ah agen uh chu ahungtung dik zel ahi.

Pathian kochuam chuh gamtin a apung deu deu a. Thugentute le Pathian kona changin apung deudeu zel ua. Thagau thiangtho in a panpi a. Haksatna kal inle lim leh kipak takin na a sem(rawngbawl) zel sek uh ahi.

Sawlchak Paul in kei un vang Pathian naseppi kahi gual ua, nang uh Pathian lo mâ chu la hui atia(1Kor.3:9). Pathian in a lomâ a sem dinga pha phawt a ko a, a gawi sek ahi. Pathian lo mâ ah nasep dingin Pathian kona a pawimaw masapen a. Sawlchak Paul in sawl ahi lo uh chun bangtin thu gen ding ahiu em? atia(Rom.10:15).

Pathian in a lomâ a sem dinga a guat chu, a hiatsak

seka. Pathian kona hetu nasepna chu a det ah, ato bawk sek hi. Pathian kona helo a nasem-tuten hun sawtlo cha vak sem sek maleu, a pei sawt puau a, ana sepnau a lawting thei tak tak puai.

Zawlnei Jeremia'n Pathian kona amu, Pathian in a kona chu sem ding in aki he pua, kate'i Lalpa Pathian, thugen ka thiam puai, ka naupang ngala, tin Pathian sawlna chu a nial a. Maleh Pathian in ka naupang ti ki'n, ka hun sawlna phawt a chia in la, thu ka piak phawt phawt la gen ding ahi. La kiang in ka um hi ati chak kei a. Nial gual lo ah asawl ziakin a chiata ahi(-Jeremia 1:6,7).

Jonah khan Pathian sawlna a nial ziakin Ngapi gil

sunga henchak in a uma. Zia kipat a chun Pathian a ko a Johna a ding in Pathian kona taimang san thei ahi puai. Paul in sawlchak hi dinga ko akiti sek a, Pathian dawidan ah Khrista Jesu sawlchak a kiti bawk sek hi. Ko ahina hih a kihiatchian bel ziakin, chanchinpha gen ma leng suan ding him ka nei paw ngala, hilo theilo ka chung ah kinga ahi ngala, tin thu genlo thei ahilo zia agen dawka(1Kor.9:16).

Pathian in ana sem dinga a kona chun haksatnate tuak sek maleh, thagau in a pui a asepnah apanpi zel a. Mite kianga a gen ding a hiatsak a. A thu ngaithatute thinlung a aguat piak sek ahi

.....o0o.....

Damna Aw Phungvuktu Thak

Pathian mapuina zalin **Damna Aw** hi chiazal thei ding in a um a, ei puitu Pathian chu lopina changta hen. Tuchung ahin suklat thei ding in **Phungvuktu Thak** a um a, amau chu:

- i). Upa Khaineilal of Leilon - **Encouraging Member**
- ii). Pu Khailianboi of Central Church - **Patron Member**

Phungvuktute zalin **Damna Aw** hi subscriber zosian man tawmcha ilakthei uh ahin a chung un ikipakna asang mama hi.

Lalpan tam takin malzawl ta hen!

-Editor

KUATE'N LALPA NASEM DI ? (1Kor 4: 113)

~ Pu. K.L.Muana

Khrista Lal gam nasem leh Pathian thuguk kemtu dingte hi kuate ahiu em i tia i genphat tak leh, gingtu tamtak l eh mipi vantang ngaidan leh kawidan a chun, Missionaryte, Upa Ordained, Bible Teacher, Pastor leh Evangelistte sepdindingdan in ingai mai sek ui. Ahinlah, zia ngaidan leh pawm dan hi dik bukimlo deu in alang hi. Ka mudan leh i Bible in ei zilttil dan i sûtngun deu chun, Khrista ah Piangthak, ginn ahing, PathianThagauThiangtho tawh kitimatna nei, muthei leh mutheil o gam ah Pathian mizia dik-tak nei leh kalchawipi, sunggil ah meigui gual ah ki zawpna nei, insung, khawlai leh Pathian hing nei nailote kiang ahPathian mel phatna leh a mizia sulangtute hi Lal pa nesemtu leh thuguk kemtute chu ahiu. Ahileh, kuate kiangahLal pa na chu a sepdiau ahi ta diam?

Zia chungchang ahin l Bible ei zilttil dan neukhat vaken kit hitiu. Jesu khawvel ah a len-lai akhan, a nungzuite, adiakin Peter kianga khan, "Ziate sang ahin lei hepi zaw em?" (John 21: 15-17) ti'n tamvei tak adawngta, a dawnhuna chu, "l , Lalpa nang la he nai." Ahileh, ka Belamte chingin/vâk in/chawm in" ati gual in Lalna i sep didan uh chu hiathei ahi tai.

Chuti ahileh, Khrista phu dawk Kochuam thiangtho-ten isepdiu chu Gingtute chawp

leh vak ding tina ahi. Zia gualma bawk a chun, Khrista Chanchinpha henailote Lalpa huang ah pulut di ahi. Hepina/ Hukdamna lampi kawku mu hi i mawpuakna'u ahi. Zia hepina hi nasep a panlo chun a thawn mai chang di ahiziak in i hindan leh i khanchan hi Khrista tawh akilawm phawt di ahi (John10:7-13). Pathian thugen thiamna bep ahem, Policy leh programme siam thiam ziak bep hilo Belampu pha, a Belamte'n le a aw ahiat thei ahi ngei di ahi. Pathian hing

thiangtho leh a chenchilpi i hilo chun, Belamte chawmzolo ding leh Khrista thuguk kemtu diktak leh Belampha tingzolo di i hiu.

VAIHAWMTUTE HI PATHIAN NASEM AHIU. (Rom13: 46).

I khualzinna'u khawvel leh i kochuam vaihawmtute hiting in, tinglo bang ziang sek maleu musit leh dangdâk mailo in, mihiam leh Pathian guat ahi gualma un, a vaihawmna dan uh chu zui masak phawt di ahi. Leng Kura chu Pathian in a Belamte veng dingah a guat ahiziak in gun chu tak in Pathian Belam chu a veng ngut ngut ahi (Isai 44: 28). Zia gual machun, Babulon Lengpa Nebukadnezar hi ka nasem tu ding in ka guat ahi (Jer.27: 6). Gam vai hawmtute dawkan (Table) chu Pathian nasepna dawkan leh Lalchutpha chu ahi. Zia thupiak chu i zui ahi chun, taksa leh thagau ah malsawmna i changgei uh ka kinem hi .

Zia a chungah i Bible thi angho in ei ziltilna hi zui in, mipiten i Gam leh i Sakhua vai hawmte dawkan hi Khri sta nasepna,Vaihawmna chut pha ahi ti ah pawm in, a hatlona-

teu hil in, sawmdawl leuhin, mal awmna dawng ngei ding ihiu.

SUAKTE HI LALPA NASEM AHIU.(Kol 3: 23)

Suak ti kampau/ kammal hi a hung gitdaw leh thu ngainawp umlo tak abatna a um ah, amatdan leh a kawkdan kichian i hiatthiamlo chun ngai thiam a haksa thimsek hi. Ahinla, Sawlchak Paul in, “La hi zosia mi a ding ah sem hilo in, I Lalpa leh mipite ading in hat tak leh kukal takin sem in” atizaw ahi. Zia bep chule hilo in, suakte chun apute'u na chu ginum leh kukal tak in sem uh hen ati ahi.

Mi zosia hi Pathian suak ihiu ua, ahawn(group) ah um i hiziak un, Vaihawmtute hile ati pen hidiak khel sam puanau. Himaleh, ‘Simbeng’ laka le atangzâng deu ti gual ah Vaihawmtu ding ah kiguat ahi ziakun, a thupiak uh leh vaihawmna i zui thei uh chun, khawtang leh Kochuam kivaipuakna ahin masawmna leh lawtinna phazaw sem i lak un hung um ngei in tin; Khawvel thim tak salvaktu, Khrista chanchinpha henailote

ading ah pak gimtui leh ngaichat kham hung ting tantin; Taksa leh Thagau lam mitvakna leh Lalpa kumtuang vaihawmna, hukdamna dawngkawt hawn piaktu hung hingei ding ahi .

.....o0o.....

Gitlo ngaidamna thu.

Ziaphatchun, ka gitlona la kiang in ka puang ah, ka khawlon chu ka im ta pua'n;" ka sukkhialna chu Lalpa kiang ah thupha chawi ta'ng ka" ka tin; tichun, ka gitlona chu la ngaidam ta ahi
(sam 32:5).

Lalpa kiang ah i gitlona leh i sukkhialna zosia i puang daw a, ngaidam i dawt chun ei ngaidam tei ding ahi ti hemil puai tiu.

Keivang ka gitlona a sang talaw tai, ngaidam changtak le ka hita puai ti'n lungneu puai tiu. Pathian in mi gilote pauchapna a ngai thazing ahi.

Tispari Mission Field Reports:

TISPARI MISSION FIELD LEH A GAM ZAU DEU IN VAK EN KHAWM HITIU

~Evan. Pautinlam

I Lalpa Jesu Khrista'n khawvel a nutsia ding kuan in a nungjuite kiangin thupiak, thuvaithak lopi tak a neichu; "Khawvel zosia chia ah Hukdamna chanchinpha gen/ puangjak un" ti ahi (Luka 16:15). Jia gual a chun eimau le Khawvel zosia chiajolo maleu hin Pathian eilem guatpiakna mun titai tiu in, Tispari mun ah hin na isem un, jia mun ah hin Jesu hukdampa ahilam henailo tamtak um nalai ahi ti hekawm in tu leh tu ah i dinmun vak-taklang masa hitiu.

1. Kochuam member sim thei jat chu mi 30 ti ahia, a Inn ah sim dingin Inn 10 ti ahia, a sungkuan ua Khristian hilo le a um ah, jia gual hin report piak ahisek hi. Zia sang ahin le member hi itam jo maithei le ahi.

Chuleh Pathian mapuina jalin 2017 kumin School khat i dinthei tau ah. Zia School chu Presbyterian Mission School (P.M.S) ti sak ahi. Naupang 42 i nei ua, jia ban in Tispari ah

semtute chu ahileh:

- i). Rev. D.Robert Thanga, Field-Secretary.
 - ii). Evan. Teacher:- Miss. Remi Vaiphei, School Head i/c.
 - iii). Evan. Teacher:- Mrs. Alungla Kom, Asst.Teacher.
 - iv). Evan. Teacher;- Mr. Mangmawi Vaiphei.
 - v). Teacher:- Mrs. Puspa Acharya (Nepali).
 - vi). Evan Pautinlam, Evangelist
- Zia gual ahin Field Report dan in ivak taklang masa, ahinla Tispari mun ahin Kochuam tin leh mimal tin in tha leh jung ka seng kha puai tiding hi um tapuai tiu. I lungthim pumpiu leh nei leh lam ilasenna mun uh chu ahi.
2. Tispari lam vakgen be nalai leu hin, Tispari ti thumal hi Pari 30 tina ahi. Alima chun Pari 30 ala kiti maleh tuhin Pari 30 chu val mama tading ahi. Mihing a cheng mawng mawng a Inn ah sim ding in, Inn 300 leh 400 kikal vel ahita, nisin in mihing a kibelap tojel hi. Mimal ah simding

in 2000 chung lam chu ahitau. Agam ah hin Hindu Sakhua jui ahijiakun zatlian leh zatneu a kikhen ua, minuam sadeu leh nam lian deu ah kingaite hi a sakhua'u juideu danah, vangam kaigual in akikawi ua, chanchinpha vagen hi a hakdeu ah, chuleh zat neu dan ah a kawiteu kiang ah chanchinpha vagen hi anuam deu a, Christian ale alut vak uh ahi. Anawpna khat chu khawlai valenna dingin nitak ah vachia hi alemchang zawdeu sek ahi. Nam lian ka hi kititen a neudeute chu a musit mamau ahi.

3. Tispari hi bang tidan ah Tispari ala kiti ahem tile vakgen galkai hitiu in, i hiatkhiallo ahi chun 1940 masangin Manipur Lengte hun lai in Kolte (Deswali/Bihari) mi Pawsal khat ala um ah, ama chu Pari 30 alapiau ah, zia kipat chun Tispari hung kiti ahi. Ama chun ji pathum Nepali, Meetei, Thingtangmi alanei ah, atawplam in agam hi ala juak ah, michuam chuam in ala kichawk ua, Unau Nagatenle mun tamtak ala chaw'u hi.

Zia gam ahin eimau le 2007 apatin chanchinpha jalin ilut pantau ah, tuchan ahin Path-

ian mapuina jal in ma isawnto jel ua, ahin, namdangte lut dan leh eilut dan vang akibang puai. Namdangte chun chenna ding leh Inn leh lo khualna'n alut ua, gam anei uh ahi. Eimau lutdan chu, Gospel John 20:31 na a gengual in, Jesu chu Pathian chapa ahiti taksan lo ten taksanna ding leh Jesu chu Hukdampa ahi ti agin ua kumtuang hinna ahung nei ua, Thagau mangthai ding tamtak umte hukdawkna ding jiakin na isem jaw'u ahi.

4. Kochuamten i dawtna diu a gam leh a mite neitu khat a um hi jia chu kua hem iti leh, Psalm 24:1-2, Leichung leh a sung ah cheng zosia Lalpa a ahi, a gama nasemtuten le Lalpa dawng jingkawmma, lopina leh thuneina lamte dello in, John 4:35 in, 'Dak unla lote hi envel matiam un' a tigual in a pawimaw pen chu, jia gama Pathian in ahepi ma ma Thagau mangthai dingte hi i pulut theina dingun Lo neitu pa Pathian kiangin dawnin, mimal tin in i pan khawmnau chungin Pauchapna a kingaina jing ahi.

Lalpan i mau ei pui zing tau hen. Amen

'DAMNA AW' PHUNGVUKTUTE :

PATRON MEMBERS :

1. Pu P. Vaiphei IAS, Imphal
2. Upa Henthianthang, S.Kotlian
3. T.Upa Haulallawm S.Kotlian
4. Upa Laltinkhup, HQ. Church, Tuibuang
5. Pi Manliankim, HQ. Church, Tuibuang
6. Nk. Lalsangpui, S.Kotlian
7. Upa D. Mina, Lingsiphai
8. T.Upa Ph. Gena, Lingsiphai
9. Pu. Khamlal Saipum
10. Pu Khamliankap Saipum
11. Pu. S.Kapbawi New Delhi
12. Upa Genhau Central Church, Compound veng
13. Pi Kimtawi Kohima
14. Pu Khailianboi Central Church

MEMORIAL GIFT :

1. Pi Deem Melody, **Central Church, (Rengkai)**
[in loving memory of (L) Upa Lamthianlal]
2. Pi Rebekah **Kangvai**
[In loving memory of (L) Pastor Khaivung]
3. Upa Liansomthang **Lingsiphai**
[In loving memory of (L) Pu. Henzagen]
4. Pi. Nem Grace Boisi Capvung **Delhi**
[In loving memory of (L) Pi Vanlalchhuangi]

SUPPORTING MEMBERS :

1. Upa Khomlunlal S.Kotlian,
2. Pu. S.Thangminlian Lingsiphai,
3. Pu Lelboi, Lingsiphai
4. T.Upa Lalneilian Central Church,
5. Pu EL Soson Central Church
6. T.Upa Genminthang, Central Church,
7. Pi Kimneihawi Saipum
8. T.Upa J. Mark Saipum
9. Pu Genthiankap, Nghathal
10. Pu Lianzakhup Nghathal.
11. Pu Lemthang L.Mission Veng
12. Rev. S.T.Kaia Vaiphei Nghathal

ENCOURAGERS :

1. Pu P. Kamneilian, Lingsiphai
2. Evan Thianlam Lingsiphai

3. Pastor Kaiminlian,	L. Saronphai
4. Upa K.Thanga,	Kangvai
5. T.Upa Manglem,	Kangvai
6. Upa S.Bela Capvung,	Kangvai
7. T.Upa David,	HQ Church, Tuibuang
8. T.Upa Khupneu,	HQ Church, Tuibuang
8. T.Upa Zamthamuan	HQ Church. Tuibuang
10. Pu Lamthianlun,	Central Church, Compound Veng,
11. Pu Vendam,	Central Church, Compound Veng,
12. Pu Haudal,	Nghathal
13. Pu Khamliankhual,	Nghathal
14. Pi Mary Vaiphei,	Nghahal
15. Upa Paukholam	Nghathal
16. Pu Tongzahem	Nghathal
17. Pi. Nunmawi	Nghathal
18. Pu Kaikham	Saipum
19. Pu Pauthianlal @ Mengpu,	Saipum
20. Upa Ginneithang,	Saipum
21. Pu Donggen	Saipum
22. T.Upa. Lallawmthang	Saipum
23. Pu.Damthang	Saipum
24. Upa Kaijuanthang	Tangmual
25. Rev. Haulalven	Tangmual
26. Pu Gomang	Tangmual
27. Pu Kamneilal	Tangmual
28. Pu Kaisawmlal	Tangmual
29. Pu Thangneilun	Tangmual
30. Pi Niangphal	Bisanmual
31. Upa Thangpu Changsan	Leimakhong
32. Pu. Khamsawngolian	Kohima
33. Upa Khaineilal	Leilon

Damna Aw monthly magazine hi tutiang ahin kochuamte'n phungvukna i bawlte'u ziaka hin chiazal i hiu a, kuale phungvukna bawl utte a ding in bangtik lai in le bawltei zing ahi.

(i). Patron member- Kum 3 (three) a ding in. ₹. 3,000/-

(ii). Supporting member- Kum2(two) a ding in ₹. 2,000/-

(iii). Memorial Gift- Kum 2(two) a ding in. ₹. 2,000/-

(iv). Encourager- Kum 1(one) a ding in. ₹. 1,000/-

Chun, sum thawt nuamte a ding in:

A/C name: Khuga Sadar Presbytery(MPCS)

A/C nos: 32483318505

Branch code: 6182, ccpur

CIF nos: 86412486695 IFSC nos: SBINOO06182.